

Na osnovu člana 5. stav (1) tačka h) i člana 19. stav (1) tačka c) Zakona o Agenciji za bankarstvo Federacije Bosne i Hercegovine („Službene novine Federacije BiH“, br. 75/17) i čl. 80. stav (5) i 81. stav (14) Zakona o bankama („Službene novine Federacije BiH“, broj 27/17), Upravni odbor Agencije za bankarstvo Federacije Bosne i Hercegovine, na sjednici održanoj dana 13.10.2017. godine donosi

**ODLUKU**  
**O UKLJUČIVANJU POSEBNIH USLOVA ZA UGOVARANJE DUGOROČNIH**  
**NENAMJENSKIH I ZAMJENSKIH KREDITA FIZIČKIM LICIMA U SISTEM**  
**UPRAVLJANJA RIZICIMA U BANCI**

Član 1.

Uvod

Ovom odlukom se definiše obaveza banke da u svoj sistem upravljanja rizicima iz člana 79. Zakona o bankama uključi i posebne uslove za odobravanje dugoročnih nenamjenskih i zamjenskih kredita fizičkim licima u skladu sa ovom odlukom.

Član 2.

Pojmovi

Pojmovi koji se koriste u ovoj odluci imaju sljedeće značenje:

- a) **Nenamjenski kredit** je gotovinski kredit kojeg banka odobrava fizičkim licima, a kod kojeg nije određena namjena korištenja sredstava, odnosno gdje banka ne vrši kontrolu trošenja sredstava, isključujući hipotekarni i lombardni nenamjenski kredit;
- b) **Zamjenski gotovinski kredit** je kredit kojeg banka odobrava fizičkim licima u svrhu otplate jedne ili više obaveza kod iste i/ili drugih banaka, sa ili bez odobravanja dodatnog finansiranja, isključujući hipotekarni i lombardni zamjenski kredit. Zamjenski kredit u smislu ove odluke ne podrazumijeva kredit za refinansiranje stambenog kredita za što je banka prikupila i osigurala dokaze o namjenskom inicijalnom utrošku sredstava kredita koji se refinansira. Zamjenski kredit za refinansiranje stambenog kredita banka je dužna evidentirati prema njegovoj inicijalnoj namjeni kao stambeni kredit i omogućiti njegovo odvojeno sistemsko prepoznavanje i praćenje.

Član 3.

Ograničenja

- (1) Banka ne može ugovoriti nenamjenski i zamjenski kredit sa fizičkim licem na period duži od 10 (deset) godina.
- (2) Banka ne može ugovoriti nenamjenski i zamjenski kredit sa fizičkim licem u iznosu većem od 50.000,00 (pedesethiljada) KM.

Član 4.

Izveštavanje Agencije

- (1) Banka je dužna da Agenciji za bankarstvo Federacije BiH (u daljem tekstu: Agencija) kvartalno dostavlja izvještaj u pisanoj i elektronskoj formi, sa podacima o visini i strukturi nenamjenskih i zamjenskih kredita prema Obrascu NZK (Tabela 1. i Tabela 2.) koji se nalazi u prilogu ove odluke i čini njen sastavni dio.
- (2) Izvještaj iz stava (1) ovog člana banka dostavlja Agenciji kvartalno, u roku 30 kalendarskih dana nakon posljednjeg dana izvještajnog kvartala.

Prelazne i završne odredbe

Član 5.

Ova odluka se primjenjuje na nenamjenske i zamjenske kredite odobrene nakon njenog stupanja na snagu.

Član 6.

Ova odluka stupa na snagu osmog dana od dana objavljivanja u „Službenim novinama Federacije BiH“.

**Broj: U.O.-08-29/17**  
**Sarajevo, 13.10.2017. godine**

**PREDSJEDNICA**  
**UPRAVNOG ODBORA**

**mr. sc. Ljerka Marić, dipl.ecc., s.r.**

## Agencija za bankarstvo FBiH

Nenamjenski i zamjenski krediti		Obrazac: NZK – Osnovni	
Banka:		JMB:	
Datum			
Broj pon.	Datum slanja	Razlog pon.	

Tabela 1 - Nenamjenski i zamjenski krediti stanovništvu prema inicijalnom roku dospijeća - stanje na dan

*u 000KM*

Vrsta kredita	Inicijalno ugovoreni rok dospijeća									
	do 3 godine		preko 3 do 5 godina		preko 5 do 7 godina		preko 7 do 10 godina		preko 10 godina	
	Iznos	Broj partija	Iznos	Broj partija	Iznos	Broj partija	Iznos	Broj partija	Iznos	Broj partija
Nenamjenski krediti										
Zamjenski krediti										
<b>Ukupno</b>										

Tabela 2 - Nenamjenski i zamjenski krediti stanovništvu prema preostalom roku dospijeća - stanje na dan

*u 000KM*

Vrstakredita	Preostali rok dospijeća									
	do 3 godine		preko 3 do 5 godina		preko 5 do 7 godina		preko 7 do 10 godina		preko 10 godina	
	Iznos	Broj partija	Iznos	Broj partija	Iznos	Broj partija	Iznos	Broj partija	Iznos	Broj partija
Nenamjenski krediti										
Zamjenski krediti										
<b>Ukupno</b>										

\_\_\_\_\_  
Potpis (Ime i prezime / tel. br. ovlaštenog lica)

\_\_\_\_\_  
Potpis (Ime i prezime/ tel. br. ovlaštenog lica)